



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/21	Løpenr: 23/357
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret		

Nedsetting av arbeidsutval for val av representantar til ymse råd, utval, nemnder m.m. i kommunestyreperioden 2023–2027

Rådmannen sitt framlegg til vedtak:

Saka blir lagt fram utan tilråding frå rådmannen.

Dokument som er vedlagt:

Liste over råd, utval, nemnder m.m. der det skal veljast representantar

Dokument som ikkje er vedlagt:

- Kommunelova
(<https://lovdata.no/dokument/NL/lov/2018-06-22-83>)
- Kommunal- og distriktsdepartementet sin rettleiar 2023 om konstituerande møte i kommunestyre
(<https://www.regjeringen.no/contentassets/b537bd4c34544bd2a6666034739c6d49/rettleiar-om-konstituerande-mote-med-omslag-juni-2023.pdf>)

Oppsummering:

Det har vore vanleg at kommunestyret i sitt konstituerande møte vel eit arbeidsutval som får ansvar for å utarbeida framlegg til kandidatar til diverse råd, utval, nemnder m.m. Kommunestyret må ta stilling til om dette skal gjerast òg i år, og i så fall velja medlemmer, varamedlemmer, leiar og nestleiar i utvalet.

Saksopplysningar:

Bakgrunn for saka:

Kommunestyret skal oppnemna kommunale representantar i ei rekke råd, utval, nemnder m.m., både i og utanfor kommunen. Ei liste over kva val som skal gjennomførast i 2023 og 2024 følgjer vedlagt. Det kan bli endringar/suppleringar i denne lista.

Faktagrunnlag, problemskildring og moglege løysingar:

Det har vore praksis i Samnanger kommune at kommunestyret i det konstituerande møtet vel eit arbeidsutval, som får ansvar for å utarbeida framlegg til kandidatar til dei diverse ulike råd, utval og nemnder m.m. Det skal veljast slike representantar både i 2023 og 2024, ref. den vedlagte oversikta.

Når det gjeld val av meddommarar, lagrettsmedlemmer, jordskiftedommarar, skjønnsmedlemmer og representantar i forliksrådet, bør arbeidsutvalet få i oppgåve å utarbeida eit framlegg som blir lagt fram og handsama av kommunestyret i løpet av første halvår 2024.

I det konstituerande kommunestyremøtet i 2019 vart det valt eit arbeidsutval med sju medlemmer, alle frå kommunestyret.

Arbeidsutvalet vil vera eit folkevald organ som er omfatta av reglane i § 5-1 i kommunelova. Reglane om val av medlemmer til eit slikt arbeidsutval vil vera det same som for val til andre kommunale utval. Valet av medlemmer og varamedlemmer kan gjennomførast enten som avtaleval eller forholdsval, ref. reglar i kommunelova §§ 7-4 til 7-7. Val av leiar og nestleiar skal gjerast som fleirtalsval, ref. reglar i kommunelova §§ 7-4 og 7-8.

Reglane om kjønnsbalanse i arbeidsutvalet vil vera dei same som for andre kommunale utval.

For nærmare informasjon om reglar for avtaleval, forholdsval og fleirtalsval, blir det vist til saksutgreiinga i saka om val av formannskap 2023–2027.

Administrasjonen vil stilla med sekretær dersom arbeidsutvalet ønskjer dette. Erfaring frå tidlegare tilseier at arbeidsutvalet har behov for sekretærhjelp frå administrasjonen.

Vurderingar og konsekvensar:

Vurderingar:

Rådmannen ser det som ønskeleg at kommunen held fram med same praksisen som tidlegare, det vil seie at kommunestyret i det konstituerande møtet 26.10.2023 vel eit arbeidsutval. Det bør veljast både medlemmer og varamedlemmer i arbeidsutvalet, samt leiar og nestleiar.

Funksjonstida for arbeidsutvalet bør vera heile kommunestyreperioden 2023–2027.

Medlemmene i arbeidsutvalet bør få same møtegodtgjersle som for møte i kommunestyret, formannskapet m.fl. (høg sats i § 2-5 i Forskrift om godtgjersle, dekking av utgifter, m.m. for folkevalde i Samnanger).